

四庫全書

集部

欽定四庫全書

唐詩品彙卷六十九

明 高棅 編

五言律詩十四

餘響

朱慶餘

送僧遊廬山

客行皆有求

集作
為

師去是閒遊
野望攜金策
禪棲寄石

樓山深松翠冷潭靜菊花秋幾處題青壁袈裟濺瀑流
送淮陰丁明府

之官未及境已有愛人心遣吏回中路停船對遠林鳥
聲淮浪靜雨色稻苗深暇日公門掩唯聞伴客吟

周賀

長安送人

京國多離別年年渭水濱空將未歸意說向欲行人鴈
度池塘月山連井邑春臨分惜攜手日暮一沾巾

酬吳之問

已當聽鴈夜多事不同居故疾離城晚秋霖見月踈
趨鐘闕靜戶帶葉卷殘書盪漿期南去荒園久廢鋤

喻鳧

岫禪師南谿蘭若

錫影散林光孤谿照草堂水懸青石磴鐘動白雲牀
樹色含殘雨河流帶夕陽唯應無月夜瞑目見他方

發浙江

島嶼遍含煙煙中濟大川山城猶轉漏沙浦已搖船海曙霞浮日江遙水合天此時空濶思翻想涉窮邊

晚泊盱眙

廣葦夾深流蕭蕭到海秋宿船橫月浦驚鳥遶霜洲雲濕淮南樹笳清泗上樓徒懸向國思羈跡尚東遊

商於逢友人

行役何時了年年骨肉分春風乘漢棹雪路入商雲水險谿難定林寒鳥異羣相逢聊坐石啼狔語中聞

劉得仁

送僧歸玉泉寺

玉泉歸故里

集作寺

便老是心期
亂木孤蟬後
寒山絕鳥

時若尋流水去
轉出白雲遲
見說千峯路
溪深復頂危

回中夜訪獨孤從事

滿庭霜月白
風靜絕纖聞
邊境時無事

一作冠

州城夜訪

君擁裘聽塞角
酌甕

一作醴

話湘雲
贊佐元戎
美恩齊十

萬軍

杜牧

禪智寺

雨過一蟬噪飄蕭松桂秋
青苔滿階砌白鳥故遲留
暮靄生深樹斜陽下小樓
誰知竹西路歌吹是揚州

項斯

楊敬之雅愛其詩所至稱之嘗贈詩云幾度見
詩詩總好及觀標格勝於詩平生不解藏人善
到處逢人說項斯

寄石橋僧

逢師入山日道在石橋邊別後何人見秋來幾處禪溪
中雲隔寺夜半雪添泉生有天台約知無却出緣

送歐陽袞歸閩中

秦城幾歲住猶著故鄉衣失意時相識成名後獨歸海
秋蠻樹黑嶺夜瘴雲飛為學心難滿知君更掩扉

薛能

劉後村詩話云薛能詩
格不甚高而自譽太過

麟中寓居寄蒲陰友人

蕭條秋雨地獨院阻同羣一夜驚為客多年不見君邊
心生落日鄉思羨歸雲更在相思處子規燈下聞

贈禪者

門前雖有徑絕向世間行雜草因逢藥移花更得鶯甘
貧元是道苦學不為名莫怪蒼鬚晚無機在此情

送友人出塞

榆關到不可何況出榆關春草臨岐斷邊樓到日間人
歸穹帳外烏發廢營間此地秋堪集作想霜前作意還

趙嘏

靈巖寺

明月溪頭寺蟲聲滿橘洲
倚船香徑晚移石太湖秋
樹老雲歸盡臺荒水更流
無人見惆悵獨上最高樓

長洲

扁舟殊不繫浩蕩路纔分
范蠡湖中樹吳王苑外雲
悲心人望月獨夜鴈離羣
明發還驅馬闕城見日曛

經無錫縣醉後吟

客過無名姓扁舟繫柳陰窮秋南國淚殘日故鄉心京
洛衣塵在江湖酒病深何須覓陶令乘醉自橫琴

姚鵠

曉發

旅行宜早發況復是南歸月影緣山盡鐘聲隔水微殘
星螢共失落葉鳥俱飛去去關河曉村中人出稀

紀唐夫

送友人歸宜春

落花兼柳絮無處不紛紛
遠道空歸去流鶯獨自聞
墜橋喧碓水山郭入樓雲
故里南陔曲秋期欲送君

溫庭筠

送人東遊

荒戍落黃葉浩然離故關
高風漢陽渡初日郢門山
江上幾人在天涯孤棹還
何當重相見樽酒慰離顏

西遊書懷

渭川通野戍有路上桑乾
獨鳥青天暮驚磨赤燒殘
高

秋辭故國昨日夢長安客意自如此非關行路難

商山早行

晨起動征鐸客行悲故鄉雞聲茅店月人跡板橋霜

山三

老人語錄云六一居士甚喜此語有
鳥聲茅店雨野色柳橋春以効之 槲葉滿山路枳花

明驛墻因思杜陵夢鳬鴈滿廻塘

于武陵

長信宮

一失輦前恩羅衣生暗塵唯應清夜月獨伴向愁人長

信翠蛾老昭陽紅粉新君心似秋節不使草長春

客中

楚人歌竹枝遊子淚沾衣異國久為客寒宵頻夢歸一
封書未返千樹葉皆飛南過洞庭水更應消息稀

方虛谷云

久客夢家人情之常愈
遠而逾難得家書也

友人南遊不回

相思春樹綠千里各依依鄴杜月頻滿瀟湘人未歸桂
花風半落煙草蝶雙飛一別無消息水南車跡稀

南遊有感

杜陵無厚業不得駐車輪
重到曾遊處多非舊主人
東風千里樹西日一洲蘋
又渡湘江水湘江水復春

宿友生林屋因懷賈區

繞屋樹森森多棲紫閣禽
暫過當永夜微得話前心
入楚行應遠經湘恨必深
那堪對寒燭更賦別離吟

西歸

不繫與舟閒悠悠吳楚間
羞將新白髮却到舊青山
一

葉忽離樹幾人同入關
長安有家住秋至又西還

早春山行

江草煖初綠鴈行皆北飛
異鄉那久客野鳥尚思歸
十載過如夢衷心應已違
行行家漸遠更苦得書稀

夜泊湘江

北風吹楚樹此地獨先秋
何事屈原恨不隨湘水流
涼天生片月竟夕伴孤舟
一作南行客無成空白頭

王將軍宅夜聽歌

朱檻滿明月美人歌落梅忽驚塵起處疑是鳳飛來一曲聽初徹幾年愁漸開東南正雲雨不得見陽臺

夜尋僧

僧游山未歸

數歇渡煙水漸非塵俗間泉聲入秋寺月色遍寒山石路幾迴雪竹房猶閉闔不知雙樹客何處與雲間

贈王隱人

石室掃無塵人寰與此分飛來南浦樹半是華山雲浮世幾多事先生應不聞寒川滿斜日空照鴈來羣

雍陶

送裴璋還蜀

家在劍門外新年音信稀
自為千里別已送幾人歸
陌上日初落馬前花正飛
離言殊未盡春雨滿行衣

塞上宿野寺

塞上蕃僧老天寒疾上闌
遠烟平似水高樹暗如山
去馬朝常急行人夜始閒
更深聽刁斗時到磬聲間

寄宗靜上人

世上方傳法山中未得歸閒花飄講席馴鴿污禪衣積

雨誰過寺殘鐘自掩扉寒來垂頂帽白髮剃應稀

雲溪友議

云陶為簡州牧自比謝宣城柳吳興賓至則挫辱投贄者少得見之有馮道明者請謁詒問者曰與太守故舊及見訶責曰與公昧平生何故舊之有道明曰誦公詩得相見何隔平生遂吟雍詩云江聲秋入峽雨氣夜侵樓立當青草人先見行傍白蓮魚未知閒門客到常疑病滿院花開不似貧雍由是厚之遂如曩昔之交

李羣玉

湖澗

英華作
湖澗

楚色籠青草秋風洗洞庭夕霏生水寺初月盡虛汀棹

響來空澗漁歌發杳冥欲浮關下艇一到斗牛星

廣江驛餞筵留別

別筵欲盡秋一醉海西樓夜雨寒潮水孤燈萬里舟酒
飛鸚鵡重歌送鷓鴣愁惆悵三年客難期此處遊

雲安

灘惡黃牛吼城孤白帝秋水寒巴字急歌向竹枝愁樹
倚荆王館雲昏蜀客舟瑤姬不可見行雨在高丘

送秦鍊師

紫府靜沈沈松軒思別吟水流寧有意雲汎本無心錦
洞桃花遠青山竹葉深不因時賣藥何路更相尋

遊玉芝觀

尋仙向玉清獨倚雪初晴木落寒郊迥煙開疊嶂明片
雲盤鶴影孤磬雜松聲且共探玄理歸途月未生

儲嗣宗

秋墅

欲暮候樵者望山空翠微虹隨殘雨散鴉帶夕陽歸窮

巷長秋草孤村時擣衣誰知多病客寂寞掩柴扉

李郢

遊天柱觀

聽鐘到靈觀仙子喜相尋茅洞幾千載水聲寒至今讀
碑丹井上坐石澗亭陰清興未云盡煙霞生夕林

劉滄

秋月旅途即事

驅羸多自感煙草遠郊平鄉路幾時盡旅人終日行渡

邊寒水驛山下夕陽城蕭索更何有秋風兩鬢生

司馬禮

東門晚望

青門聊極望何事久離羣芳草失歸路故鄉空暮雲
信回陵樹老夢斷灞流分兄弟正南北鴻聲堪獨聞

送歸客

多才與命違末路憶柴扉白髮何人問青山足馬歸
晴煙獨鳥沒野渡亂花飛寂寞長亭外依然空落暉

題清上人房

古院閑松色入門人自閒
罷經來宿鳥支策對秋山
客念蓬蒿外禪心煙霧間
空憐濯纓處階下水潺潺

登河中鸛雀樓

樓中見千里樓影入通津
煙樹遙分陝山河曲向秦
興亡留白日今古共紅塵
鸛雀飛何處城隅草自春

杜荀鶴

春宮怨

早被嬋娟誤欲粧臨鏡慵承恩不在貌教妾若為容風
暖鳥聲碎日高花影重年年越溪女相憶采芙蓉

幕府燕閒

錄云荀鶴詩多
近俗此篇為勝

與友人對酒吟

憑君滿酌酒聽我醉中吟客路如天遠侯門似海深
新墳侵古道白髮戀黃金共有人間事須懷濟物心

方干

君不來

閒花未零落心緒已紛紛久客無人問新禽何處聞
舟隨一水遠路出萬山分夜月生愁望孤光必照君
韻語陽秋云方干詩清潤小巧蓋未升曹劉之堂者

寄李頻

衆木已搖落望君猶未還軒車在何處雨雪滿前山
思苦文星動鄉遙釣渚閒明年見名姓惟我獨何顏

清明日送鄧芮還鄉

鐘鼓喧離室車徒促夜裝曉厨新變火輕柳暗翻霜轉

鏡看華髮傳杯語故鄉每嫌兒女淚今日自沾裳

送郭太祝歸江東

鄉人去欲盡北鴈又南飛京洛風塵久江淮音信稀
舊山知獨往一醉莫相違未得解羈旅無勞問是非

周朴

寄方干

桐廬江水間終日對柴關因想別離處不知多少山
釣舟春岸泊庭樹晚煙還莫便求栖隱桂枝堪恨顏

李昌符

旅遊傷春

酒醒鄉關遠迢迢聽漏終曙分林影外春盡雨聲中鳥
倦江村路花殘野岸風十年成底事羸馬厭西東

周繇

海望

蒼茫空汎日四顧絕人煙半浸中華岸傍通異域船島
間知有國波外恐無天欲作乘查客翻然去隔年

許棠

汴上暮秋

獨立長堤上西風滿客衣
日臨秋草廣山接遠天微
岸葉隨波盡沙雲與鳥飛
秦城寧有素志意自知歸

登渭南縣樓

近甸名偏著登樓景又寬
半空分太華極目是長安
雪助河流急人耕燒色殘
閒來時甚少欲下重凭欄

東歸次米石江

東下經牛渚依然是故關客程臨岸盡鄉思入鷗閒雨
漲巴天浪雲遮楚國山漁翁知未達相顧不開顏

張喬

曲江春

尋春與送春多遶曲江濱一片鳬鷺水千秋輦轂塵岸
涼隨衆木浪影逐遊人自是遊人老年年管吹新

吳江旅次

行人愁落日去鳥倦遙林曠野鳴流水空山響暮砧旅

途歸計晚鄉樹別年深寂寞逢村酒漁家一醉吟

宿昭應

夜憶開元事淒涼里巷間薄煙通魏闕明月照驪山半
壁空宮閑連天白道閑清晨更迴首猶向灞陵還

送金夷魚奉使歸本國

渡海登仙籍還家備漢儀孤舟無岸泊萬里有星隨積
水浮魂夢流年半別離東風未迴日音信杳難期

書邊事

調角斷清秋。征人倚戍樓。春風對青塚。白日落梁州。大
漢無兵阻窮邊。有客遊蕃情如此。水長願向南流。

尋桃源

武陵春草齊。花影隔澄溪。路遠無人去。山空有鳥啼。水
垂青靄斷。松偃綠蘿低。世上迷途客。經茲盡不迷。

贈初上人

竹色覆禪棲。幽禽遠院啼。空門無去住。行客自東西。井
氣春來歇。庭枝雪後低。相看念山水。盡日話曹溪。

聞仰山禪師歸曹溪因贈

曹溪松下路猿鳥重相親四海求玄理千峰遠定身異
花天上墮靈草雪中春自惜經行處焚香禮舊真

送河西從事

結束佐戎旃河西住幾年隴頭隨日去磧裏寄星眠水近
沙連帳程遙馬入天聖朝思上策重待奏開邊

登慈恩寺塔

牕戶響層風清涼碧靄中世人來往別煙景古今同列

嶂橫秦斷長河極塞空斜陽越鄉思天末見歸鴻

江南逢洛下故人

洛下吟詩友南遊只有君波濤歸路見蟋蟀在船聞曉
月江城出晴霞島樹分無窮懷古意豈獨繞湘雲

再題敬亭清越上人山房

重來訪惠休已是十年遊向水千松老空山一磬秋石
牕清吹入河漢夜光流久別多新詠長吟洗俗愁

楊夔

送日東僧遊天台

一蹕離日外行指赤城中去自重雲下來從積水東攀
蘿躋石徑挂錫憩松風迴首難林道唯應夢想通

唐彥謙

楊文公談苑云鹿門先生唐彥謙為詩學
李商隱得其清峭感愴蓋聖人之一體也

詠月

陰盛此宵中多為雨與風坐無風雨至看與雪霜同抱
濕離遙海傾寒向遠空年年不可值還似道難通

司空圖

江行二首

地澗分吳塞，楓高映楚天。
迴塘春盡雨，方響夜深船。
行紀添新夢，羈愁甚往年。
何時京洛路，馬上見人煙。

初程風信好，迴望失津樓。
日帶潮聲晚，煙含楚色秋。
戍旗當遠客，島樹轉驚鷗。
此去非名利，孤帆任白頭。

鄭谷

終南白鶴觀

步步景通真門前衆水分檉蘿諸洞合鐘磬上清聞古
木千尋雪寒山萬丈雲終期掃壇級來事紫陽君

江行

漂泊病難任逢人淚滿襟關東多事日天未未歸心夜
雨荆江漲春雲郢樹深殷勤聽漁唱漸次入吳春

送人之九江謁郡侯苗員外

澤國尋知己南浮不偶遊湓城分楚塞廬嶽對江州曉
飯臨孤嶼春帆入亂流雙旌相望處月白庾公樓

送人遊邊

春亦怯邊遊此行風正秋別離聞夜雨道路向雲州
磧樹藏城遠沙河漾日流將軍方破虜莫惜獻良籌

別同志

所立共寒苦平生同與遊相看臨遠水獨自上孤舟
天澹滄浪晚風悲蘭杜秋前程吟此景為子上高樓

登杭州城

漠漠江天外登臨返照間潮來無別浦木落見他山
沙

鳥晴飛遠漁人夜唱閒歲窮歸未得心逐片帆還

長樂夜坐寄懷湖外稽處士

萬里念江海浩然天地秋風高羣木落夜久數星流鐘

絕分宮漏螢微隔御樓遙知洞庭上宵露滿漁舟

歐陽公詩

話云鄭谷詩名盛於唐末疏雲臺編其詩極有意思亦多佳句但其格不同

崔塗

除夜有感

迢遞三巴路羈危萬里身亂山殘雪夜孤燭異鄉人漸

與骨肉遠轉於奴僕親

劉云句親切

那堪正飄泊明日歲華

新

劉云平生客中除夕誦此不復更作

夕次洛陽道中

秋風吹故城城下獨吟行
高樹鳥已息古原人尚耕
流年川暗度往事月空明
不復歎岐路馬頭塵夜生

巴南道中

久客厭岐路出門吟且悲
平生未到處落日獨行時
芳草不長綠故人難重期
那堪更南渡鄉國是天涯

孤鴈

幾行歸塞盡
念爾獨何之
暮雨相呼失
寒塘欲下遲
渚雲低暗度
關月冷相隨
未必逢矰繳
孤飛自可疑

羅隱

秋浦

晴川倚落暉
極目思依依
野色寒來淺
人家亂後稀
久遊身不達
多病意長違
還有漁舟在
時時夢裏歸

曹松

秋日送方千遊上元

天高淮泗白料子趣脩程汲水疑山動揚帆覺岸行雲
離京口樹鴈入石頭城後夜分遙念諸峯霧露生

送左協律京西從事

辟書來幾日遂喜就佳招猶向風沙淺非於甸服遙時
平無探騎秋靜見盤鵬若遣關中使煩君問寂寥

韋莊

婺州水館重陽日作

異國遶佳節，憑高獨苦吟。
一杯今日酒，萬里故鄉心。
水館紅蘭合，山城紫菊深。
白衣雖不至，鷗鳥自相尋。

章臺夜思

清瑟怨遙夜，繞絃風雨哀。
孤燈聞楚角，殘月下章臺。
芳草已云暮，故人殊未來。
鄉書不可寄，秋鴈又南迴。

哭麻處士

却到歌吟地，閒門草色中。
百年流水盡，萬事落花空。
纔却到歌吟地，閒門草色中。
帳寒秋月詩樓冷，夜蟲少微何處墮。
留恨白楊風。

王貞白

曉發蕭關

早發長風裏，邊城曙色間。
數鴻寒背磧，片月落臨關。
隴上明星沒，沙中夜探還。
歸程不可問，幾日到家山。

九日長安作

無酒汎金菊，登高但憶秋。
歸心隨旅鴈，萬里在滄洲。
殘照明天闕，孤砧隔御溝。
誰能思落帽，兩鬢已添愁。

終南山

終南異五嶽列翠滿長安地去搜揚近人謀隱遁難水
通諸苑過雪照一城寒為問紅塵裏誰同駐馬看

御溝水

一派御溝水綠槐相蔭清此中涵帝澤無處濯塵纓鳥

道來雖險龍池到自平朝宗心本切願向急流傾

郡閣雅言

云貞白御溝詩此中初作此波以示貫休貫休曰改一字貞白揚袂而去貫休曰此公思敏書一中字於掌頃

貞白曰此中涵帝澤休以掌示之

曉泊漢陽渡

落月臨古渡武昌城未開殘燈明市井曉色辨樓臺雲
自蒼梧去水從嶠冢來芳洲號鸚鵡用記禰生才

遊仙

我家三島上洞戶枕波濤醉背雲屏卧誰知海日高露
香紅玉樹風綻碧蠟桃悔與神仙別思歸夢釣鰲

胡笳曲

隴底悲笳動隴頭鳴北風一輪霜月落萬里塞天空戍
卒淚應盡胡兒語未終爭教班定遠不念玉關中

悔從軍行

憶昔仗孤劍十年從建威
論兵親玉帳逐虜過金微
隴水秋先凍關雲寒不飛
辛勤功業在麟閣志多違

長門怨

葉落長門靜苔生永巷幽
相思對明月獨坐向空樓
鑒駕迷終轉蛾眉老自愁
昭陽歌舞伴此夕未知秋

張嬪

別後寄山友

上馬如飛鳥飄然隔去塵共看今夜月獨作異鄉人就
養江田熟移居井賦新襄陽堪卜隱應與孟家鄰

過山家

避暑得深幽忘言遂久留花陰牕失曙松合徑先秋響
谷傳人語鳴泉洗客愁家山不在此至此可歸休

翁承贊

晨興

晨起竹軒外逍遙清興多早涼生戶牖孤月照關河旅

食甘藜藿歸心憶薜蘿一樽如有地放意且狂歌

江為

藝苑雌黃云為工於詩少遊江南有詩云吟登
蕭寺旃檀閣醉倚王家玳瑁筵南唐后主見之
曰此人大是富貴家而劉衣生夏江成等並傳
句法今建陽縣西七里有靖安寺即為之故居
留題者
甚衆

登潤州城

天末江城晚登臨客望迷春潮平島嶼殘雨隔虹霓鳥
與孤帆遠煙和獨樹低鄉山何處是目斷廣陵西

任翻

晴詩

楚國多春雨柴門喜晚晴
幽人臨水坐好鳥隔花鳴
野色連空濶江流接海平
門前向溪路今夜月分明

薛瑩

秋晚同友人閒步

藉草興行沙相看日未斜
斷崖分鳥道疎樹見人家
望遠臨孤石吟餘落片霞
野情看不足歸路思猶賒

宿仙都觀陰王二君修道處

十載別仙峯峯前千古蹤陰王修道處雲雪滿高松洞
口風雷異池心星漢重明朝下山去片月落殘鐘

宿東巖寺曉起

野寺寒塘曉遊人一夢分鐘殘數樹月僧起半巖雲宿
鳥驚初見幽泉落不聞吟餘凭前檻紅葉下紛紛

唐詩品彙卷六十九

欽定四庫全書

唐詩品彙卷七十

明 高棟 編

五言律詩十五

旁流

有姓氏無字里世
次可考者九人

薛奇童

楚調

禁苑春風起流鶯繞合歡玉牕通日氣珠箔卷輕寒楊

葉垂陰砌梨花入井闌
君王好長袖新作舞衣寬

張謩

東封山下宴羣臣

萬國扈封巖羣公遇此歡
幔城連夜靜霜仗滿空寒
輦路宵煙合旌門曉月殘
明朝陪聖主山下禮圓壇

郭良

早行

早行星尚在數里未天明
不辨雲林色空聞風水聲
月

從山上落河入斗間橫漸至重門外依稀見洛城

題李將軍山亭

鳳轄將軍位龍門司隸家衣冠為隱逸山水作繁華徑
出重林草池搖兩岸花誰知貴公子亭院有煙霞

褚朝陽

登少室山寺

英華作登
聖善寺閣

飛閣青雲裏先秋獨早涼天花映牕近月桂拂簷香華
嶽三峯小黃河一帶長空間指歸路煙處有垂楊

石召

送人歸山

相逢惟道在誰不共知貧歸路分殘雨停舟別故人霜
明松迳曉花暗竹房春亦有栖門意何年可寄身

顧在鎔

題玉芝雙奉院

入門如洞府花木與時稀夜坐山當戶秋吟葉滿衣犬
隨童子出鳥避俗人飛至藥應將熟年年火氣微

宿麻平驛

及到怡情處暫忘登陟勞青山看不厭明月坐來高犬
為孤村吠猿因冷木號微吟還獨酌多興憶同袍

潘咸

登明戍堡

來經古城上極目思無窮寇盡煙蘿外人歸蔓草中峯
巒當闕古堞壘對雲空不見昔名將徒稱有戰功

楊達

塞下

英華作李宣達
詩并州路作

秋日并州路黃榆落故關孤城吹角罷數騎射鵬還帳
幕遙臨水牛羊自下山行人正垂淚烽火起雲間

孫欣

冷井

仙闌初鑿井雲液沁成泉色湛青苔裏寒凝紫綆邊銅
瓶向影落玉甃抱虛圓永賴調神像堯時奉萬年

吳筠

步虛詞二首

郭茂倩樂府作韋渠牟詩

紫府與玄洲誰來物外遊
無煩騎白鹿不用駕青牛
金化顏應駐雲飛鬢不秋
仍聞碧海上更用玉為樓

玉樹雜金花天河織女家
月邊丹鳳鳥風送紫鸞車
霧縠籠綃帶雲屏列錦霞
瑤臺千萬里不覺往來賒

韋渠牟

步虛詞五首

玉簡真人降金書
道籙通煙霞方蔽日
雲雨已生風四

極威儀異三天使命同那將人世戀不去上清宮

上帝求仙使真符取玉郎三才閒布象二景鬱生光騎
吏排龍虎笙歌走鳳凰天高人不見暗入白雲鄉

鸞鶴共徘徊仙官使者催香花三洞啓風雨百神來鳳
篆文初定龍泥印已開何須生羽翼始得上瑤臺

西海辭金母東方拜木公雲行疑帶雨星步欲凌風羽
袖揮丹鳳霞巾曳采虹飄飄九霄外下視望仙宮

幾度遊三洞何方召百神風雲皆守一龍虎亦全真執

節仙童小燒香玉女春應須絕巖內委曲問皇人

辨才

設缸面酒疑蕭翼

探得來字

初醞一缸開新知萬里來披雲同落莫步月共徘徊夜
久孤琴思風長旅鴈哀非君有秘術誰照不燃灰

靈一

高仲武云靈一之詩刻意精妙與劉長卿皇甫冉諸人倡和如泉湧壑前地雲生戶外峯皆佳句也

靜林寺

靜林寺即梁武未遇之時隱居之所今因之為僧寺中有鐘磬皆古物時時有聲焉

靜林谿路遠蕭帝有遺蹤水擊羅浮磬山鳴于闐鐘燈

傳三際

集作世

火樹老萬株松無數煙霞色

文苑英華作無復雲霞色

空聞昔卧龍

酬皇甫冉

時冉赴無錫於雲門時贈詩別

湖南通古寺來往意無涯欲識雲門路千峯到若耶春
山子猷宅古木謝敷家自可長偕隱那云相去賒

送王法師之西川

旅遊無遠近要自別魂消官柳鄉愁亂春山客路遙伴

行芳草遠隨興墅花飄計日功成後還將輔聖朝

送範律師往果州

終南千古後獨爾繼卿名離障非今日修因是幾生亂
峯寒影暮深澗墅流清遠客歸心苦難為此別情

秋題劉逸人林亭

涼颼亂黃葉遲客橘陰清蘿逕封行跡雲門閑野情零
林秋露響穿竹暮煙輕莫戀幽棲地懷居却敗名

宜豐新泉

泉源新涌出洞徹映纖雲稍落芙蓉沼初淹苔蘚文了
將空色淨素與衆流分每到清宵月泠泠夢裏聞

酬皇甫冉西陵見寄

西陵潮信滿島嶼沒中流越客依風水相思南渡頭寒
光生極浦落日映滄洲何事揚帆去空驚海上鷗

宿靈洞觀

石室因投宿仙翁幸見容花源隔水見洞府過山逢泉
湧堦前地雲生戶外峯中宵自入定非是欲降龍

同使君宿大梁驛

旌旗江上出花外捲簾空夜色臨城月春寒度水風雖
然行李別且喜語音同若問匡廬事終身愧遠公

皎然

送贇上人還京

得微字

久遊春草盡還寄北船歸沙鳥窺中食江雲入

英華作滿淨

衣秦原山色近楚寺磬聲微見說翻經館多聞似者稀

賦得啼猿送客

萬里巴江外三聲月峽深何年有此路幾客共沾襟斷
壁分垂影流泉入苦吟淒涼離別後聞此更傷心

題沈少府書齋

不下南昌縣書齋每日閒野花當砌落溪鳥逐人還有
興常臨水無時不見山千峯數可盡不出小牕間

尋陸鴻漸不遇

移家雖帶郭野逕入桑麻近種籬邊菊秋來未著花扣
門無犬吠欲去問西家報道山中去歸來每日斜

自義亭驛送李縱夜泊臨平東湖

長亭賓馭散歧路起悲風
千里勤王事驅車明月中
寒生洞庭水夜度塞門鴻
處處堪傷別歸來山又空

送重鈞上人遊天台

漸看華頂出幽賞意隨生
十里行松色千重過水聲
海容雲正盡山色雨初晴
事事將心證知君道可成

送清會上人遊京

佳遊限衰疾一笑向西風
思見青門外曾臨素滻東
峯

明雲際寺日出露寒宮行道禪長在看塵不染空

送闕小師還金陵

如何有歸思愛別欲忘難白鷺沙洲晚青龍水寺寒
蕉花鋪淨地桂子落空壇持此心為鏡應堪月夜看

送沙彌大智遊五臺

童年隨法侶家世本儒流章句三生學清涼萬里遊雲
歸龍沼暗木落鴈門秋長老憶相待傳予向祖洲

送栖上人之建州覬使君舅

亂峯江上色羨爾及秋行釋氏推真子郝家許貴甥
花新雨靜帆葉好風輕千里依元舅廻撓亦有情

題湖上蘭若示清會上人

峯心惠忍寺嵒頂謝公山何似南遊近芳洲一畝間
意中雲木秀事外水堂閒永日無人到時看獨鶴還

宿支硎寺上房

上方精舍遠共宿白雲端寂寞千峯夜蕭條萬木寒
山光露下見松色月中看却與西林別歸心即欲闌

晚秋宿李軍道所居

清溪路不遙都尉每相招
落日休戎馬秋風罷射鵰
木花生野逕栢實滿寒條
永夜依山府禪心共寂寥

題沈道士新亭

何處好攀躋新亭俯舊溪
座中千里近簷下四山低
小浦依林曲回塘遶郭西
桃花春滿地歸路莫相迷

若溪春興

春生若溪水雨後漫流通
芳草行無盡春源去不窮
野

煙迷極浦斜日起微風數處乘流望依稀似剡中

冬至日陪裴端公使君清水堂集

亞歲崇佳宴華軒照綠波渚芳迎氣早山翠向晴多推
往知時訓書祥辨政和從公惜日短留賞夜如何

仙女臺

寂寞舊桑田誰家女得仙應無難犬在空有子孫傳古
木花猶發荒臺月尚懸片雲低不散疑是却歸年

法照

送清江上人

越人僧體古清慮洗塵勞一國詩名遠多生律行高見
山援葛藟避世著方袍早晚雲門去還應逐爾曹

送無著禪師歸新羅國

萬里歸鄉路隨緣不筭程尋山百衲弊過海一杯輕夜
宿依雲色晨齋就水聲何年持貝葉却到漢家城

寄錢郎中

閉門深樹裏閒足鳥來過五馬不復貴一僧誰奈何藥

苗家自有香飯乞時多寄語嬋娟客將心向薜蘿

護國

訪雲母山僧

森然古崖壁淨行一高僧松下瀉寒水佛前挑夜燈蓮
花國土異貝葉梵書能想對空山所無心戀愛憎

山中寄王員外

為問幽蘭桂空山復若何芬芳終有分採折更誰過望
在軒堦近恩沾雨露多移居儻得地長願接瓊柯

題王班水亭

湖上見秋色曠然如爾懷
豈惟歡壠畝兼亦外形骸
待月歸山寺彈琴坐暝齋
布衣閒自貴何用謁天階

僧泚

北原別業

野外車騎絕古原松栢陰
流鶯出谷靜春草閉門深
學稼農為業忘情道作心
因知上皇日鑿井在雲林

清江

送贊律師歸嵩山

禪客歸山意山深定易安
清貧修道苦孝友別家難
雲路尋溪轉花宮映嶽看
到時瞻塔暮松月向人寒

送堅上人歸杭州天竺寺

十年勞負笈經論化中朝
流水知鄉近和風惜別遙
雲山零夜雨花岸上春潮
歸卧南天竺禪心更寂寥

夕次襄邑

何處成吾道經年遠路中
客心猶向北河水自歸東
古

戍鳴寒角疎林振夕風輕舟唯載月那與故人同

喜皇甫大夫同宿大梁驛

前見靈一詩
中十字不同

江頭旌旆去花外捲簾空夜色臨城月春聲渡水風也
知行李別慙喜話言同若問廬山事終身愧遠公

宿嚴維宅簡章八元

佳期曾不遠甲第即南鄰惠愛偏相及經過豈厭頻秋
光林葉動夕霏月華新莫話羈栖事平原是主人

長安卧疾

身世足堪悲空房卧疾時捲簾花雨滴掃石竹陰移已
覺生如夢堪嗟壽不知未能通法性詎可見支離

靈澈

九日和于使君

清晨有高會賓從出東方楚俗風煙古汀洲水木涼山
情來遠思菊意在重陽心憶華池上從容鴈鷺行

送道虔上人遊方

律儀通外學詩思入玄關煙景隨緣到風安與道閒貫

花留淨室呪水度空山誰識浮雲意悠悠天地間

法振

送人遊閩越

不須行借問為爾話閩中海島陰晴雨江帆來去風道
遊玄度宅身寄朗陵公此別何傷遠如今關塞通

越中贈程先生

紗帽度殘春虛舟寄一身溪邊逢越女花裏問秦人古
塞連山靜陰霞落海新有時城郭去暗與酒家親

題萬山許鍊師

道成人不識流水響空山
花暗軒牕外雲隨坐卧間
驗圖名已久絕粒事長閒
更欲崑崙去羞看絳節還

程評事西園之作

誰向春鶯道名園已共知
簷前迴水影城下出花枝
搖拂煙雲動登臨翰墨隨
相招能不厭山舍為君移

無可

林下對雪送僧歸草堂寺

殘臘雪紛紛林間起送君苦吟行迥野投迹向寒雲絕
頂晴多去遙泉凍未聞唯應草堂寺高枕脫人羣

秋夜寄龍池寺貞空二上人

夜來思道侶木葉向人飄精舍池邊古秋山下遙磬
寒通數里雲白已終宵未得同居止儵然自寂寥

晚秋寄賈島

暗蛩生暮色默思坐西林聽雨寒更盡開門落葉深昔
因京邑病併起洞庭心亦是吾兄事遲回直至今

寄厲玄先輩

楊柳起秋色故人猶未還
別離俱自老少壯豈能閒
夜雨吟殘燭秋城憶故山
何當一相見語默此林間

同劉升宿

浮雲流水心只是愛山林
共惜多年別相逢一夜吟
既能持苦節勿謂少知音
憶就西池宿月圓松竹深

送呂郎中赴海州

出守滄洲上西風送旆旌
路遙過幾郡地盡到孤城
拜

廟千山綠開樓遍海清何人共東望月向積漚生

送林山人歸日本

海際晚帆開應無鄉信催水從荒外積人指日邊回望
國乘風久浮天絕島來儻因華夏使書札轉悠哉

樓白

送圓仁三藏歸本國

家山臨晚日海路信歸橈樹減渾無岸風生只有潮歲
窮程未盡天末國仍遙已入閩王夢香花境外邀

處默

聖果寺

路自中峯上盤回出薜蘿到江吳地盡隔岸越山多古

木叢青靄遙天浸白波下方城郭近鐘磬雜笙歌

吳越紀事

云僧處默賦詩有奇句嘗云到江吳地盡隔岸越山多羅隱見曰此我句失之久矣乃為吾師得焉識者鄙其儂薄太甚

歸仁

題賈島吟詩臺

此臺如可廢此恨有誰平縱使迷青草終難沒舊名天
悲朝雨色嶽哭夜猿聲不是心偏苦應關自古情

滄浩

別嘉興知己

一坐西林下從來不別山不因尋長者何事到人間宿
雨愁為客寒禽散未還空懷舊山月童子誦經閒

虛中

庾樓

郡樓名甚遠幾換見樓人
庾亮魂應在清風到白蘋
晴軒分楚漢夜酒揖星辰
何必匡山上獨言無世塵

齊已

早梅

萬木凍欲折孤根煖獨回
前村深雪裏昨夜一枝開
風遞幽香出禽窺素艷來
明年如應律先發望春臺

五代補史

云鄭谷在袁州齊已攜詩詣之有早梅詩云云谷曰數枝非早也未若一枝遙改數枝開為一枝開齊已不覺下拜自是士林以谷為一字師云

賈休

登鄱陽寺閣

寺樓閒縱望不可到斜暉故國在何處多年未得歸寒
江平楚外細雨一鴻飛終學於陵子吳中有綠薇

春日山行

重疊太古色濛濛花雨時好山行恐盡流水語相隨黑
壤生紅朮黃猿領白兒因思石橋日曾與道人期

脩睦

秋臺作

獨上高樓上客情何物同孤雲無定處長日信秋風兄
弟多年別闕河此夕中到頭歸去是免使歎濛濛

尚志

江上秋志

到來江上久誰念旅遊心故國無秋信鄰家有暮砧坐
遙翻不睡愁極却成吟即恐髭連鬢還為白所侵

懷楚

謝友人見訪留詩

軒車誰肯到泉石日相親暮雨凋殘寺秋風悵望人庭
新一片葉衣故十年塵賴有瑤緘贈清吟愈病身

懷浦

初冬旅懷

枕上角聲微離情未息機夢回三楚寺寒入五更衣月
沒棲禽動霜晴凍葉飛自慚行役早深與道相違

澹交

望樊川

萬樹葉初紅
人家樹色中
疎鐘搖雨足
積水浸雲容
雪磧回寒鴈
村燈促夜春
舊山歸未得
生計欲何從

清尚

哭僧

道力自超然
身亡同坐禪
水流原在海
月落不離天
溪白葬時雪
風香焚處煙
世人頻下淚
不見我師玄

玄寶

路詩

南北東西去茫茫萬古塵關河無盡處風雪有行人險
極山通蜀平多地入秦營營名利者來往豈辭頻

李治

寄校書七兄

無事烏程縣蹉跎歲月餘不知芸閣吏寂寞竟何如遠
水浮仙棹寒星伴使車

高武仲云五言之佳境也

因過大雷澤莫忘

幾行書

送韓揆之西江

詩府作送
間伯均

相看指楊柳別恨轉依依
萬里西江水孤舟何處歸
湓城潮不到夏口信應稀
唯有衡陽鴈年年來去飛

送間二十六赴剡縣

流水間門外孤舟日復西
離情遍芳草無處不萋萋
妾夢經吳苑君行到剡溪
歸來重相訪莫學阮郎迷

元淳

寄洛中諸妹

舊國經年別關河萬里思題書憑鴈翼望月想蛾眉白
髮愁偏覺歸心夢獨知誰堪離亂處掩淚向南枝

徐賢妃

秋風函谷關應詔

秋風起函谷朔氣動河山偃松千嶺上雜雨二陵間低
雲愁廣隰落日慘重關此時飄紫氣應驗真人還

上官昭容

遊長寧公主林亭應制

暫爾遊山第淹留惜未歸霞牕明月滿磴戶白雲飛書
引藤為架人將薜作衣此真攀桂所臨晚賞光輝



唐詩品彙卷七十

欽定四庫全書

集部

唐詩品彙卷七十一至
六

詳校官檢討臣德生

助教臣常循覆勘

總校官進士臣朱鈐

校對官編修臣勵守謙

謄錄監生臣慈意誠

欽定四庫全書

唐詩品彙卷七十一

明 高棟 編

五言排律一

正始

上

太宗皇帝

宴山中

驅馬出遼陽萬里轉旗常對敵六奇舉臨戎八陣張斬

鯨澄碧海卷霧掃扶桑昔去蘭縈翠今來桂染芳雲枝
浮碎葉氷鏡上朝光回首長安道方歡宴栢梁

韓王元嘉

奉和同太子監守違戀

乾象開層構離明啓少陽卜征從獻吉守器屬元良
逖矣凌周誦遙哉掩漢莊地分丹鷲嶺途間白雲鄉
好士傾南路多才盛北場儲誠虔曉夕宸愛積炎涼
珠璧連霄漢萬物仰重光

薛元超

奉和同太子監守違戀

儲禁銅扉啓宸行玉輅遙空懷壽街吏尚隔寢門朝地
首瞻龍戟空中想鳳鑣飛文映仙榜瀝思叶神飈帝念
紆蒼壁乾文煥紫霄歸塘橫筆海平圃振詞條欲應重

輪曲鏘洋韵九韶

平圃見山海經槐江
之陽寔唯帝之平圃

王績

贈學僊者

採藥層城遠尋師海路賒
玉壺橫日月金闕斷煙霞
僊人何處在道士未還家
誰知彭澤意更覓步兵邪
春釀煎松葉秋盃浸菊花
相逢寧可醉定不學丹砂

褚遂良

安德山池宴集

伏握丹霞外遨園煥景舒
行雲汎層阜蔽月下清渠
亭中奏趙瑟席上舞燕裾
花落春鶯晚風光夏葉初
良朋比蘭蕙雕藻邁瓊琚
獨有狂歌客來承歡宴餘

高宗皇帝

過溫湯

文苑英華
作太宗詩

溫渚停仙蹕
豐郊駐曉旌
路曲迴輪影
巖虛傳漏聲
暖溜驚湍駛
寒空碧霧輕
林黃疎葉下
野白曙霜明
眺聽良無已
煙霞斷續生

王德貞

奉和聖製過溫湯

握圖開萬寓
屬聖啓千年
驪阜疏緹騎
驚鴻映綵旂
玉

霜明鳳野金陣藻龍川祥煙聚危岫德水溢飛泉停輿
興睿覽還舉大風篇

楊思玄

奉和聖製過溫湯

豐城觀漢迹溫谷幸秦餘地接幽王壘塗分鄭國渠風
威肅文衛日彩鏡雕輿遠岫凝氛重寒叢對影踈迴瞻
漢章闕佳氣滿宸居

鄭羲真

奉和聖製過溫湯

洛川方駐蹕，豐野暫停鑾。
湯泉恒獨涌，溫谷豈知寒。
漏鼓依巖畔，霜風出樹端。
嶺煙遙聚草，山月迴臨鞍。
日用誠多幸，天文遂仰觀。

王勃

泥谿

弭棹凌奔壑，低鞭躡峻岐。
江濤出岸險，峰磴入雲危。
溜急船文亂，巖斜騎影移。
水煙籠翠渚，山照落丹崖。
風生

蘋浦葉露泣竹潭枝汎水雖云美勞歌誰復知

三月曲水宴

得煙字

彭澤官初去河陽賦始傳田園歸舊國詩酒間長筵列
室窺丹洞分樓瞰紫煙縈迴亘津渡出沒控郊鄆鳳琴
調上客龍轡儼羣仙松石偏宜古藤蘿不記年重簷交
密樹複磴擁危泉抗石晞南嶺乘沙眇北川傳巖來築
處磻溪入釣前日斜真趣遠幽楚思涼蟬

楊炯

送劉校書從軍

天將下三宮，星門召五戎。
坐謀資廟畧，飛檄佇文雄。
赤土流星劍，烏號明月弓。
秋陰生蜀道，殺氣繞湟中。
風雨何年別，琴尊此日同。
離亭不可望，溝水自西東。

遊廢觀

青嶂倚丹田，荒涼數百年。
猶知小山桂，尚識大羅天。
藥敗金爐火，苔昏玉女泉。
歲時無壁畫，朝夕有階煙。
花柳三春節，江山四望懸。
悠然出塵網，從此狎神仙。

和騫右丞省中暮望

故事閒臺閣仙門藹已深
舊章窺複道雲幌肅重陰
玄律葭灰變青陽斗柄臨
年光搖樹色春氣繞蘭心
風響高牕度流痕曲岸侵
天明總樞轄人鏡辨衣簪
日暮南宮靜搖華振雅音

和劉侍郎入隆唐觀

福地陰陽合仙都日月開
山川陵四險城樹隱三臺
伏檻排雲出飛軒遠澗回
參差陵倒影瀟灑軼浮埃
百集

珠為寶羣峯錦作苔懸蘿暗疑霧瀑布響成雷方士燒
丹液真人汎玉杯還如問桃李更似得蓬萊漢帝求仙
日相如作賦才自然金石奏何必上天台

和輔先入昊天觀

迺甲爰皇里星占太乙宮天門開奕奕佳氣鬱葱葱碧
落三乾外黃圖四海中邑居環若水城闕抵新豐玉檻
崑崙側金樞地軸東上真朝北斗元始詠南風漢君祠
五帝淮王禮八公道書藏竹簡靈藥灌梧桐草茂瓊階

綠花繁寶樹紅石樓紛似畫地鏡森如空桑海年應積
桃源路不窮黃軒若有問三月住崆峒

盧照鄰

西使兼送孟學士南遊

地道巴陵北天山弱水東相看萬餘里共倚一征蓬零
雨悲王粲清尊別孔融徘徊聞夜鶴悵望待秋鴻骨肉
胡秦外風塵關塞中唯餘劍鋒在耿耿氣成虹

送鄭司倉入蜀

離人丹水北遊客錦城東別意還無已離憂自不窮
隴雲朝結陣江月夜臨空關塞疲征馬霜氛落早鴻
潘年三十外蜀道五千中送君秋水曲酌酒對秋風

綿州官池贈別

輜軒遵上國仙氣下靈關尊酒方無地聯緒喜暫攀
離言欲贈策高辯正連環野逕遊雲斷荒池春草斑
殘花落古樹度鳥入澄灣欲叙他鄉別幽谷有綿蠻

還赴蜀中貽示京邑遊好

簾宿花初滿章臺柳尚飛如何正此日還望昔多違悵
別風期阻將乖雲會稀歛衽辭丹闕懸旗陟翠微野禽
喧戍鼓春草變征衣回顧長安道關山起夕霏

和夏日幽莊

聞有高蹤客耿介坐幽莊林壑人事少風煙鳥路長瀑
水含秋氣垂藤引夏涼苗深全覆隴荷上半侵塘釣渚
青鳬沒村田白鷺翔知君振奇藻還嗣海隅芳

山莊休沐

蘭署乘閒日蓬扉狎道棲龍柯踈玉井鳳葉下金堤川
光搖水箭山氣上雲梯亭幽聞淚鶴牕曉聽鳴雞玉軫
臨風奏瓊漿映月攜田家自有樂誰肯謝青谿

山林休日田家

歸休乘暇日饁稼返秋場徑草䟽王萼崑枝落帝桑耕
田虞訟寢鑿井漢機忘戎葵朝委露齊棗夜含霜南澗
泉初洌東籬菊正芳還思北牕下高臥偃羲皇

駱賓王

棹歌行

寫月圖黃罷凌波拾翠通鏡花搖芰日衣麝入荷風葉
落舟難蕩蓮踈浦易空鳳媒羞自託鴛翼恨難窮秋帳
澄光翠倡樓粉色紅相思無別曲併在棹歌中

晚泊蒲類

一庭歸望斷萬里客心愁山路猶南屬河源自北流晚
風連朔氣新月照邊秋竈火通軍壁烽煙上戍樓龍庭
但苦戰燕頷會封侯莫作蘭山下空令漢國差

早秋出塞寄東臺祥政學士

促駕逾三水長驅望五原
天街分斗極地理接樓煩
豁月明關隴胡雲聚塞垣
山川殊物候風壤異涼溫
戍古秋塵合沙寒宿霧繁
昔余迷學步投迹忝詞源

遠使海曲春夜多懷

長嘯三春晚端居百慮盈
未安蝴蝶夢遽切魯禽情
別島連寰海離魂斷戍城
流星疑伴使低月似依營
懷祿寧期達牽時匪徇名
艱虞行已遠昧迹自相驚

在軍贈先還知己

蓬轄俱行役，瓜時獨未還。
魂迷金闕路，望斷玉門關。
獻凱多慚霍，論功幾謝班。
風塵催白首，歲月損紅顏。
落鴈低秋塞，驚鳬起暝灣。
胡霜如劍鏑，漢月似刀環。
別後庭

邊樹相思幾度攀

方虛谷云：字字入律，工不可言。

靈隱寺

鷲嶺鬱岩堯，龍宮鎖寂寥。
樓觀滄海日，門對浙江潮。
桂子月中落，天香雲外飄。
劉云：好。捫蘿登塔遠，剝木取泉遥。

霜薄花更發水輕葉互凋

劉云互凋語警

夙齡尚遐異搜對滌

煩囂待入天台路看余度石橋

詩話云舊說徐敬業敗與賓王俱不死皆去為

浮屠以免賓王居杭州靈隱寺後宋之問遊寺夜吟云驚嶺鬱岌堯龍宮鎖寂寥久不能續有老僧云何不道樓觀滄海日門對浙江潮云云遲明僧不見人以爲賓王也今此詩仍見賓王集集乃係古本非後人所裒次則此詩已自錄於集中賓王之不死亦一證也

邊城落日

紫塞流沙北黃圖灞水東一朝辭俎豆萬里逐沙蓬
侯月恒持滿尋源屢鑿空野昏邊氣合烽迴戍煙通
膂力

風塵倦疆場歲月窮
河流控積石山路遠崆峒
壯志凌蒼兕
精誠貫白虹
君恩如可報
龍劍有雌雄

宿溫城望軍營

虜地寒膠折邊城夜折聞
兵符關帝闕天策動將軍
塞靜胡笳徹沙明楚練分
風旗翻翼影霜劍轉龍文
白羽搖如月青山斷若雲
煙踈疑卷幔塵滅似銷氛
投筆懷班業臨戎想顧勲
還應雪漢耻持此報明君

劉庭芝

故園置酒

酒熟人須飲春還鬢已秋願逢千日醉得緩百年憂舊
里多青草新知盡白頭風前燈易滅川上月難留卒卒
周姬旦栖栖魯孔丘平生能幾日不及且遨遊

晚憩南陽旅館

旅館何年廢征夫此日過途窮人自哭春至鳥還歌行
路新知少荒田古逕多池篁覆丹谷墳樹遶清波日照
蓬陰轉風微墜氣和傷心不可去回首怨如何

喬知之

和蘇員外寓直

自昔重為郎伊人練國章
三旬登建禮五夜直明光
墨草尚書奏衣飄侍御香
開軒竹氣靜拂簟蕙風涼
曉漏離闔闔鳴鐘出未央
從來宿臺上天子貴文強

宗楚客

奉和幸上陽宮侍宴應制

紫庭金鳳闕丹禁玉雞川
似立蓬瀛上疑遊崑閬前
鳥

將歌合轉花共錦爭鮮湛露飛堯酒薰風入舜絃水光
搖落日樹色帶晴煙向夕迴瑯輦佳氣滿巖泉

蘇味道

奉和受圖溫洛

綠綺膺河檢青壇俯洛濱天旋俄制蹕孝享屬嚴禋陟
配光三祖懷柔洎百神霧開中道日雪歛屬車塵預奉
咸英奏長歌億萬春

在廣聞崔馬二御史並登相臺

振鷺纔飛日遷鶯遠聽聞明光共待漏清覽各披雲喜
得廊廟舉嗟為臺閣分故林懷栢悅新渥阻蘭薰冠去
神羊影車迎瑞雉羣遠從南斗外遙仰列星文

方云唐人自御

史除省郎以為至榮此詩曲盡體貼

十五夜遊

一作沈佺期詩

今夕重門啓遊春得夜芳月華連晝色燈影雜星光南
陌青絲騎東鄰紅粉粧管絃遙辯曲羅綺暗聞香人擁
行歌路車攢鬪舞場經過猶未已鐘鼓出長楊

俞益宣曰元夕

者太平之所宜有而亂離多富貴之所宜有而寂寞多讀此詩欲逢此辰不可得也

崔融

和梁王衆傳張光祿是王子晉後身

聞有冲天客披雲下帝畿
三年上賓去千載忽來歸
昔偶浮丘伯今同丁令威
中郎才貌是柱史姓名非祇召
趨龍闕承恩拜虎闈
丹成金鼎獻酒至玉杯揮天仗分
旄節朝容問羽衣
舊壇空處所新廟坐光輝
漢主存仙要淮南愛道機
朝朝綏氏鶴長向洛城飛

牛鳳及

奉和受圖溫洛

八神承玉輦六羽警瑤溪戒道伊川北通津澗水西御
圖開洛匱刻石與天齊瑞日波中上仙禽霧裏低微臣
矯弱翮抃舞接鸞鷟

武三思

春日遊龍門應制

鳳駕臨香地龍輿上翠微星宮含雨氣月殿抱春輝碧

澗長虹下雕梁早燕歸雲疑浮寶蓋石似拂天衣露草
侵堦長風花繞席飛日斜宸賞洽清吹入重闈

李嶠

奉和拜洛應制

七萃鑾輿動千年瑞檢開文如龜負出圖似鳳銜來殷
薦三神享明禋萬國陪周旗黃鳥集漢幄紫雲迴日暮
鈎陳轉清歌上帝臺

奉和幸薦福寺應制

鴈沼開香域鶯林降綵旃還窺圖鳳宇更坐濯龍川桂
舉朝羣辟蘭宮列四禪半空銀閣斷分砌寶繩連甘雨
蘇焦澤慈雲動沛篇獨慚賢作礪空喜福成田

王屋山第之側雜構小亭暇日與羣公同遊

桂亭依絕巘蘭榭俯回溪綺棟魚鱗出雕甍鳳羽棲引
泉聊漲沼鑿磴且通蹊席上山花落簾前野樹低弋林
開曙景釣渚發晴霓狎水驚梁鴈臨風聽楚雞復看題
柳葉彌喜陰桐圭

軍師凱旋自邕州順流舟中

鳴鞞入嶂口，汎舸歷川湄。
尚想江陵陣，猶疑下瀨師。
岸迴帆影疾，風逆鼓聲遲。
萍葉沾蘭橈，林花拂桂旗。
弓鳴蒼隼落，劍動白猿悲。
芳樹吟羌管，幽篁入楚詞。
全軍多勝策，無戰在明時。
寄謝山東妙，長纓徒自欺。

奉和幸韋嗣立山莊應制

南洛師臣契，東君王佐居。
幽情遺綬冕，宸眷屬樵漁。
制下峒山蹕，恩回灞水輿。
松門駐旌早，薜幄引簪裾。
石磴

平黃陸煙樓半紫虛雲霞仙路近琴酒俗塵踈喬木千
齡外懸泉百丈餘崖深經鍊藥穴古舊藏書樹宿搏風
鳥池潛縱壑魚寧知天子貴尚憶武侯廬

盧僕

上幸皇太子新院應制

佳氣曉葱葱乾行入震宮前星迎北極少海被南風視
膳銅樓下吹笙玉座中訓深家以政義舉俗為公父子
成釗合君臣禹啟同仰天歌聖道猶愧乏彫蟲

章嗣立

偶遊龍門北溪忽懷驪山別業因以言志示弟
淑奉呈諸大寮

幽谷杜陵邊風煙別幾年偶來伊水曲溪嶂覺依然傍
浦憐芳樹尋崖愛綠泉嶺雲隨馬足山鳥向人前地合
心俱靜言因理自玄短才叨重寄尸祿愧妨賢每挹挂
冠侶思從初服旋稻梁仍欲報歲月坐空捐助嶽無纖
塊輸溟謝未涓還悟北轅失方永南澗田

魏知古

奉和春日途中喜雨

和天
后也

皇輿向洛城時雨應天行麗日登巖送陰雲出墅迎濯
枝林杏發潤葉渚蒲生絲入綸言喜花依錦字明微臣
忝東觀載筆佇西成

奉酬韋祭酒偶遊龍門北溪忽懷驪山別業因
以言志示弟淑奉呈諸大寮之作

有美朝為貴幽尋地自偏踐臨伊水洊想望灞池邊是

遇皆新賞茲遊若舊年
藤蘿隱路接楊柳御溝
聯道悵神情王機忘俗
理捐遂初誠已重兼濟
實為賢跡是東山戀心
仍北闕縣顧慙輕拾紫
多謝賦思玄未躡中林
步空承華藻傳陽春和
已寡扣寂

陸機文賦扣寂寞而求音

意徒然

李行言

秋晚度廢關

秦郊平舊險周德眷遺黎
始聞清夜柝俄見落風泥
物色來無限津途去不迷
空亭誰問馬閒戍但鳴雞
山月

寒彌靜河風曉更淒贈言楊伯起非復是關西

按唐史宣宗大

中八年有李行言者自縣令升海州刺史未知孰是然此詩音律似初唐故列於此

唐詩品彙卷七十一

欽定四庫全書

唐詩品彙卷七十二

明高棅編

五言排律

正始

中

陳子昂

白帝懷古

日落滄江晚停橈問土風城臨巴子國臺沒漢王宮荒

服仍周甸深山尚禹功巖懸青壁斷地險碧流通古木
生雲際歸帆出霧中川途去無限客思坐何窮

方虛谷云此篇

唐人詩之祖也

峴山懷古

秣馬臨荒甸登高覽舊都獨悲墮淚碣尚想卧龍圖城
邑遙分楚山川半入吳丘陵徒自出賢聖幾凋枯野樹

蒼煙斷津樓晚氣孤誰知萬里客懷古正踟躕

方云此老杜以

前律詩悲壯感慨即無纖巧砌湊

和陸明府贈將軍重出塞

忽聞天上將關塞重橫行始返樓蘭國還向朔方城黃
金裱戰馬白羽集神兵星月開天陣山川列地營晚風
吹畫角春色耀飛旌寧知班定遠猶是一書生

方云臧唐詩渾

成晚風吹畫角猶池塘生春
草自然末句亦是別用一意

于長史山池三日曲水

摘蘭藉芳日祓宴坐迴汀汎灩清流滿歲荇白芷生金
絃揮趙瑟玉柱弄秦箏巖榭風光媚郊園春樹平煙花

飛御道羅綺照昆明日落紅塵合車馬亂縱橫

江山暫別蕭四劉三旋欣接遇

昨夜滄江別言乘天漢遊寧期此相遇尚接武陵洲結
綬還逢育銜杯且對劉波潭一瀾瀾臨望幾悠悠山水
丹青雜煙雲紫翠浮終愧神仙友來接野人舟

過荊州崔兵曹使

輶軒鳳凰使林藪鷄冠江湖一相許雲霧坐交歡興
盡崔亭伯言忘釋道安秋光稍欲暮歲物已將闌古樹

蒼煙斷虛庭白露寒琴中山水曲今日為君彈

宿驤河驛浦

泓流辭北渚結纜宿南洲合岸昏初夕迴塘暗不流行
聞塞鴻斷坐聽峽猿愁沙浦明如月汀葭晦若秋未及
能鳴雁徒思海上鷗天河殊未曉滄海信悠悠

入峭峽安居溪伐木

溪源幽邃林嶺
相映有奇致焉

肅徒歌伐木驚艤漾輕舟靡迤隨迴水潺湲沂淺流煙
沙分兩岸露島夾雙洲古樹連雲密交峰入浪浮巖潭

相映媚溪谷屢環周路迴光踰逼山深興轉幽麝龜寒
思晚猿鳥暮聲秋誓息蘭臺策將從桂樹遊因書
謝親愛十歲覓蓬丘

入東陽峽與李明府船前後不相及

東巖初解纜南浦遂離羣出沒同洲島沿洄異渚濱
風煙猶可望歌笑浩難聞路轉青山合峰迴白日曛奔濤
上漫漫積浪下沄沄倏忽猶疑及差池復兩分離離間
遠樹藹藹沒遙氛地入巴陵道星連斗斗文孤狖啼寒

月哀鴻叫斷雲仙舟不可見搖思坐氛氲

杜審言

春日江津遊望

旅客搖邊思春江弄晚晴煙銷垂柳弱霧卷落花輕
飛棹乘空下回流向日平鳥啼移幾處蝶舞亂相迎勿嘆
人皆濁隄防水至清谷王恒不讓何可戒冲盈

汎舟送鄭卿入京

帝坐蓬萊殿恩追社稷臣長安遙向日宗伯正乘春相

宅開基地傾都送別人行舟縈綠水列帳滿紅塵酒助
歡娛洽風催景氣新此時光乃命誰為惜無津

贈蘇味道

北地寒應苦南城戍不歸邊聲亂羌笛朔氣捲戎衣雨
雪關山暗風霜草木稀胡兵戰欲盡漢卒尚重圍雲淨
妖星落秋高塞馬肥據鞍雄劍動搖筆羽書飛

劉云
語壯興

駕還京邑朋遊滿帝畿方期來獻凱歌舞共春暉

扈從出長安

分野都畿列時逢六御均京師舊西幸洛道此東巡文
物驅三統聲明走百神龍媒縈漏夕鳳輦拂勾陳撫跡
地靈古遊情皇鑒新山追散馬日水憶釣魚人禹食傳
中使堯尊徧下臣省方稱國阜問道識風淳歲晚天行
吉年豐景從親歡娛包歷代宇宙忽疑春

度石門山

石門千仞斷迸水落遙空道東懸厓北橋歆絕澗中仰
攀人屢息直下騎纔通泥擁奔蛇徑雲埋伏獸叢星躔

牛斗北地脈象牙東關塞隨行變高深觸望同江聲連
驟雨日氣抱殘虹未改朱明律先含白露風堅貞忻不
憚險澁諒難窮有異登臨賞徒為造化功

沈佺期

酬蕪員外味道夏晚寓直省中見贈

並命登仙閣通宵直禮闈大官供宿膳侍史護朝衣卷
幔天河入開窻月露微小池殘暑退高樹早涼歸冠劍
無時釋軒車待漏飛明朝題漢柱三署有光輝

同韋舍人早朝

閭闔連雲起巖廊拂霧開
玉珂龍影度珠履雁行來
長樂宵鍾盡明光曉奏催
一經傳舊德五字擢英材
儼若神仙去紛從霄漢回
千春奉休厯分禁喜趨陪

白蓮花亭侍宴應制

九日陪天仗三秋幸禁林
霜威變綠樹雲氣落青岑
水殿黃花合山亭絳葉深
朱旗夾小徑寶馬駐青潯
苑吏收寒菓饗人膳野禽承
懽不覺暝遙響素秋砧

仙萼池亭侍宴應制

步輦尋丹嶂行宮在翠微
川長看鳥滅谷轉聽猿稀
天磴扶階迴雲泉透戶飛
閒花開石竹幽葉吐薔薇
徑狹難留騎亭寒欲進衣
白龜來獻壽仙吹返彤闈

奉和晦日幸昆明池

法駕乘春轉神池象漢迴
雙星遺舊石孤月隱殘灰
戰鷁逢時去恩魚望幸來
山花緹騎遶堤柳慢城開
思逸橫汾唱歌流宴鎬
杯微臣彫朽質羞覩豫章材

奉和聖制幸禮部尚書竇希玠宅

北闕垂旒暇南宮聽禮迴天臨祥鳳轉恩向濯龍開蘭
氣熏仙帳榴花引御杯水從金穴吐雲是玉衣來池影
搖歌席林香散舞臺不知行漏晚清蹕尚徘徊

夏日都門送司馬員外逸客孫員外佺共北征

二庭追虜騎六月動周師廟畧天人授軍麾相國持復
言徵二妙才命重當時畫省連征橐橫門共別詞雲迎
出塞馬風卷渡河旗計日方夷寇旋聞杖杜詩

奉和韋嗣立山莊侍宴應制

鼎臣休澣隙方外結遐心別業青霞境孤潭碧樹林每
遷東墅策遙弄北溪琴帝幸行時豫台園賞歲陰移
鑾明月沼張組白雲岑御陌瑤觥落仙壇竹徑深三光懸
聖藻五等冠朝簪自愧承恩盛咸言獨在今

昆明池侍宴應制

武帝伐昆明穿池習五兵水同河漢在館有豫章名我
后光天德垂衣文教成黷兵非帝念勞物豈皇情春仗

過鯨沼雲旗出鳳城
靈魚銜寶躍仙女廢機迎
柳拂旌門暗蘭依帳
殿生還如流水曲日晚棹歌聲

望瀛洲南樓寄遠

層城記麗譙憑晚出重霄
茲地多形勝中天宛沕寥
四榮摩鸛鶴百拱厲風飈
北際燕王館東連秦帝橋
晴光七郡滿春色兩河遙
傲晚非吾土躊躇適遠囂
離居欲有贈春草寄長謠

塞北

胡騎犯邊埃風從丑上來五原烽火急六郡羽書催冰
壯飛狐冷霜濃候雁哀將軍朝授鉞戰士夜銜枚紫塞
金河裏蔥山鐵勒隈蓮花秋劍發桂葉曉旗開祕畧三
軍動妖氛百戰摧何言投筆去終作勒銘回

自考功員外授給事中

南省推丹地東曹拜瑣闥惠移雙管筆恩降五時衣出
入宜真選遭逢每濫飛器慙公理拙才謝子雲微按牘
遺常禮朋僚隔等威上台行揖讓中禁動光輝旭日千

門啓初春八舍歸省躬知任重寧止冒榮非

宋之問

奉和幸三會寺應制

六飛迴玉輦雙樹謁金仙
瑞鳥呈書字神龍吐浴泉
淨心遙証果睿想獨超禪
塔湧香花地山圍日月天
梵音迎漏徹空樂倚雲懸
今日登仁壽長看法鏡圓

奉和幸神臯亭應制

清蹕喧黃道乘輿降紫宸
霜戈凝曉日雲管發陽春
臺

古今疑漢林餘半識春宴酣詩布澤節改令行仁昔恃
山河險今依道德淳多慚獻嘉頌空累屬車塵

奉和幸長安故城未央宮應制

漢皇未息戰蕭相乃營宮壯麗一朝盡威靈千載空皇
明悵前跡置酒宴羣公寒輕綵仗外春發慢城中樂思
迴斜日歌詞繼大風今朝天子貴不假叔孫通

奉和晦日幸昆明池應制

春豫靈池會滄波悵殿開舟淩石鯨度搓拂斗牛迴節

晦冥全落春遲柳暗催象溟看浴景燒却辨沈灰

僧皎然云

此詩家射鵲之手假使曹劉降格未知孰勝

鎬飲周文樂汾歌漢武才不愁

明月盡自有夜珠來

僧皎然云意境闊遠方云用春

正月晦急着偶句以足其意池象溟海而觀浴日既已壯麗又引胡僧却灰事為偶則尤精切可謂極天下之工矣晦日無月池中自有大蚌之珠甚妙

使過襄陽登鳳林寺山閣

香閣臨清漢丹梯隱翠微林篁天際密人世谷中違苔石銜仙洞蓮舟泊釣磯山雲浮棟起江雨入庭飛信美

雖南國嚴程限北歸幽尋不可再留步惜芳菲

登粵王臺

江上粵王臺登高望幾回南溟天外合北戶日邊開地
濕煙常起山晴雨半來冬花採盧橘夏菓摘楊梅跡類
虞翻枉人非賈誼才歸心不可見白髮重相催

春日鄭協律山亭陪宴餞鄭卿

同用樓字

潘園枕郊郭愛客坐相求尊酒東城外驂駢南陌頭池
平分洛水林缺見嵩丘暗竹侵山徑垂楊拂妓樓綵雲

歌處斷遲日舞前留此地何年別蘭芳空自幽

扈從登封告成頌應制

御路迴中嶽天營接下都百靈無後至萬國競前驅
文衛嚴清蹕幽仙讀寶符貝花明漢果芝草入堯廚
濟濟衣冠會喧喧夷夏俱宗裡仰神理刊木望山途
撫已貧非病時來本不愚願陪丹鳳輦率舞白雲衢

奉和幸韋嗣立山莊侍宴應制

樞掖調梅暇林園藝槿初入朝榮劍履退食偶琴書
地

隱東巖室天回北斗車旌門臨窳窳一作窳窳輦道屬扶踈

雲罕明丹壑霜笳徹紫虛水疑投石處溪似釣璜餘帝

澤頒卮酒人歡頌里閭一承黃竹詠長奉白茆居

和姚給事寓直之作

清論滿朝陽高才拜夕郎還從避馬路來接珥貂行寵
就黃扉日威迴白簡霜栢臺遷鳥茂蘭署得人芳禁靜
鍾初徹更踈漏更長曉河低武庫流火度文昌寓直光
輝重乘秋藻翰揚暗投空欲報下調不成章

早發始興江口至虛氏村作

候曉踰閩嶂乘春望越臺宿雲鵬際落殘月蚌中開薜
荔搖青氣枕榔翳碧苔桂香多露裛石響細泉回抱葉
玄猿嘯銜花翡翠來南中雖可悅北思日悠哉鬢髮俄
成素丹心已作灰何當首歸路行剪故園萊

遊雲門寺

維舟深靜域作禮事尊經投跡一蕭散為心自杳冥龕
交大禹穴樓倚少微星沓嶂圍蘭若迴溪抱竹庭覺花

塗砌白甘露洗山青雁塔騫金地虹橋轉翠屏人天宵
合景神鬼畫潛形理勝常虛寂緣空自感靈入禪從鵠
統說法有龍聽劫累終期滅塵躬且未寧搖搖不安寐
待月詠巖局

發藤州

朝夕苦遄征孤魂長自驚汎舟依雁渚投館聽猿鳴石
駿緣溪蔓林衣掃地輕雲峰刻不似苔蘚畫難成露裊
千花氣泉和萬籟聲攀幽紅處歇躋險綠中行戀切芝

蘭砌悲纏松栢塋丹心江北死白髮嶺南生魑魅天邊
國窮愁海上城勞歌意無限今日為誰明

蘇頌

奉和晦日幸昆明池

炎厯事邊陲昆明始鑿池豫遊光後聖征戰罷前規
霽色清珍宇年華入錦陂御杯蘭薦葉仙仗柳交枝
二石分河瀉雙珠代月移微臣比翔沐恩廣自無涯

奉和聖製幸禮部尚書竇希玠宅

尚書列侯第外戚近臣家飛棟臨青綺回輿轉翠華日
交當戶樹泉漾滿池花圓頂圖嵩石方流擁魏沙豫遊
今聽履侍從昔鳴笳自有天文降無勞訪海槎

奉和聖製答張說扈從南出雀鼠谷

雨施巡方罷雲從訓俗迴密塗汾水衛清蹕晉郊陪寒
著山邊盡春當日下來御祠玄鳥應仙仗綠楊開作頌
音傳雅觀文色動台更知西鄉樂宸藻賁鹽梅

奉和聖製經河上公廟

河流無日夜河上有神仙輦路常經此壇場即宛然下
疑成洞穴高若在空中煙善物遺方外和光繞道邊事因
周史得言向漢皇傳喜屬膺期在邦家業又玄

奉和聖製幸望春宮送朔方大總管張亶

北風吹早鴈日夕渡河飛氣冷葭應折霜明草正腓老
臣帷幄筭元宰廟堂機餞飲迴仙蹕臨戎解御衣軍裘
乘曉發師律候春歸方佇勲庸盛天辭降紫微

同餞陽將軍兼源州都督御史中丞

右地接龜沙中朝任虎牙然明方改俗去病不為家將
禮登壇盛軍容出塞華朔風搖漢鼓邊月思胡笳旗合
無邀正冠危有觸邪當看勞旋日及此御溝花

奉和聖製早登太行山中言志

北山東入海馳道上連天順動三光注登臨萬象懸
觀河內邑平指洛陽川按蹕夷關險張旗亘井泉
曉嚴中警析春事下蒐田德重周王問歌輕漢后傳
宸遊鋪令典睿思起芳年願以封書奏迴鑾禪肅然

奉和韋嗣立山莊應制

縱金寒墅霽步玉曉山幽帝幄期松子臣廬訪葛侯百
工徵往夢七聖扈來游斗柄乘時轉台階捧日留樹重
巖瀨合泉迸水光浮石徑喧朝履璜溪擁釣舟恩如犯
星夜歡擬濟河秋不學堯年隱空令傲許由

奉和聖製途次舊居

潞國臨淄邸天王別駕輿出潛離隱際小往大來初東
陸行春典南陽即舊居約川星罕駐扶道日旂舒雲覆

連行在風回助掃除木行城邑望臯落土田疏昔試邦
興后今過俗僕予示威寧校獵崇讓不陳漁府吏趨宸
宸鄉耆捧帝車帳傾三飲處閒整六飛餘盛業銘汾鼎
昌期應洛書願陪歌賦末畱比蜀相如

張說

奉和聖製途經華嶽

西嶽鎮皇京中峰入太清玉鑾重嶺應緹騎薄雲迎白
日懸高掌寒空類一作映削成軒遊會神處漢幸望仙情

舊廟青林古新碑綠字生羣臣願封岱迴駕勒鴻名

奉和聖製經河上公廟

河上無名老知非漢代人先探道德要畱待聖明辰
玄妙為天下清虛用谷神化將和氣一風與太初鄰
靈廟觀遺像仙歌入至真皇心齊萬物何處不同塵

扈從南雀鼠谷

豫動三靈贊時巡四海威
硤關凌曙出平路半春歸
霍鎮迎雲罕汾河送羽旂
山南柳半密嶺北草全稀
遲日

宜華蓋和風入綵衣上林千里近應見百花飛

三月二十日承恩樂遊園宴

得風字

樂遊形勝地表裏望郊宮北闕連雲頂南山對掌中皇
情貸芳月旬宴美成功魚戲芙蓉水鶯啼楊柳風春華
看欲暮天澤戀無窮長袖招斜日留光待曲終

奉和聖製送赴集賢院

得輝字

侍帝金華講千齡道固稀位將賢士設書共學徒歸首
命深燕隗通經淺漢章列筵榮賜食送客愧儒衣賀燕

窺簷下遷鶯入殿飛欲知朝野慶文教日光輝

對酒行時謫巴陵作

留侯封萬戶園令壽千金本為成王業初由賦上林繁
華安足恃霜露遞相尋烏哭楚山外猿啼湘水陰夢中
城闕近天畔海雲深空對忘憂酒雖憂不去心

遊洞庭湖

平湖曉望分仙嶠氣氛氤鼓枻乘清渚尋峰弄白雲江
寒天一色日靜水重文樹坐參猿嘯沙行入鷺羣緣源

斑篠密胃徑綠蘿紛洞穴傳虛應遙林覺自薰雙童有
靈藥願取獻明君

別澠湖

念別澠湖去浮舟更一臨千峯出浪險萬木抱煙深南
郡延恩渥東山戀宿心露花香欲醉時鳥轉餘陰涉趣
皆畱賞無奇不遍尋莫言山水間幽意在鳴琴

岳州宴姚紹之

杞梓滯江濱光華白日新難兄金作友媚子玉為人山

水含秋興池亭借善鄰
簷松風送靜院竹鳥來馴
翠竿催黃菊
瑀盤鱠紫鱗緩歌將醉舞
宜拂繡衣塵

與右相璟太子少傅乾曜
同日上官宴都堂聖
上賜詩臣說奉和

大塊鎔羣品經生偶聖時
俱承三事命虛忝百寮師
右揆謀華碩前星傳重資
連鵠求舊禮濫玷樂賢詩
賜益同榮拜擬金宴宰司
菊花吹御酒蘭葉捧天辭
寶曆休明盛顏年畧漏衰
少畱青史筆未敢赤松期

將赴朔方軍應制

禮樂逢明主
韜鈴用老臣
恭憑神武策
遠靜鬼方人
供帳恩榮餞
山川喜詔巡
天文日月送
朝賦管絃新
幼志傳三畧
衰材謝六鈞
膽猶忠作屏
心故道為鄰
漢保河
南地胡清塞
北塵連年大
軍後不日小
康辰劍舞輕
離別酣歌忘
苦辛從來思
博望許國不
謀身

奉和聖製餞王暎巡邊

六月歌周雅
三邊論夏卿
欲知攻戰法
先作簡稽行
禮

樂知謀帥春秋識用兵一勞堪定國萬里即長城策有
和戎利威傳破虜名軍前雨灑道樓上月臨管別藻瑤
華降同衣錦褱榮關山由義近戈甲為恩輕絲竹路傍
散風雲馬上生朝廷謂吉甫邦國望君平

奉和聖製與諸王遊興慶宮之作

漢武橫汾日周王宴鎬年何如造區夏復此睦親賢巢
鳳新成閣飛龍舊躍泉棣花歌尚在桐葉戲仍傳禁籞
氛埃隔樓臺景物連聖慈良有裕王道固無偏問俗羣

欽定四庫全書

唐詩品彙
卷七十二

黎阜觀風五教宣獻圖開益地張樂奏鈞天侍酌衢尊
滿詢芻諫鼓懸咏言彤友愛萬國共周旋

張九齡

郡內門齋

五韻

郡閣晝常掩庭蕪日復滋簷風落鳥毳牕葉掛蟲絲拙
病宦情少羈閒秋氣悲理人無異績為郡但經時唯有

江湖意沈冥空在茲

劉云高興沈著而句句婉
美韋蘇州可得此風味

與弟遊家園

定省榮君賜來歸是晝遊林鳥飛舊里園巢讓先秋枝
長南庭樹池虛北澗流星霜屢爾別蘭杜為誰幽善積
家方慶恩深國未酬栖栖將義動安得久情留

登總持寺閣

香閣起崔嵬高高紗版開攀躋千仞上紛詭萬形來草
間商君陌雲重漢后臺山從函谷斷川向斗城迴林裏
春容變天邊客思催登臨信為美懷遠獨悠哉

晚憩王少府東閣

披軒肆流覽雲壑見深重空水秋彌淨林煙晚更濃坐
隅分洞府簷際列羣峰窈窕生幽意參差多異容還慙
大隱跡空想列仙蹤賴此昇攀處蕭條得所從

奉和聖製早度蒲關

魏武中流處軒皇問道迴長堤春樹發高掌曙雲開龍
負王舟渡人占仙氣來河津會日月仙仗役風雷東顧
重關盡西馳萬國陪還聞股肱郡元首咏康哉

奉和聖製畲張說扈從南出雀鼠谷

設險諸侯地承平聖主巡東君朝二月南旆擁三辰寒
出重關盡年隨行漏新瑞雲散奉日芳樹曲迎春舞咏
先馳道恩華及從臣汾川花鳥意併奉屬車塵

奉和聖製早登太行山率爾言志

孟月攝提貞乘時我后征晨嚴九折度暮戒六軍行日
御馳中道風師卷太清戈鋌林表出組練雪間明順動
希皇豫高深奉睿情陪遊七聖列望幸百神迎氣色煙
猶喜風光草尚榮之果稱萬歲今此復同聲

和許給事直夜簡諸公

未央鐘漏晚仙宇藹沈沈武衛千廬合嚴扃萬戶深左掖知天近南窻見月臨樹搖金掌露庭接玉樓陰他日聞更直中宵屬所欽聲華大國瑤夙夜近臣心逸興乘高閣雄飛在禁林寧思竊抃者情發為知音

酬趙二侍御使西軍贈兩省舊寮之作

石室先鳴者金門待制同操刀常願割持斧竟稱雄應敵兵初起緣邊虜欲空使車經隴月征旆繞河風忽枉

兼金訊非徒秣馬功氣清蒲海曲聲滿栢臺中顧已塵
華省欣君震遠戎明時獨匪報嘗欲退微躬

候使石頭驛樓

山檻憑高望川途眇北流遠林天翠合前浦日華浮萬
井緣津渚千艘咽渡頭漁商多末事耕稼少良疇自守
陳蕃榻常登王粲樓徒然騁目處豈是獲心遊向跡雖
愚谷求名亦盜丘息陰芳木所空復越鄉憂

奉和聖製送尚書燕國公說赴朔方軍

宗臣事有征廟算在休兵天與三台座人當萬里城朔
南方偃革河內暫揚旌寵錫從仙禁光華出漢京山川
勤遠略原隰軫皇情為奏薰琴倡仍題瑤劍名聞風六
郡勇計日五戎平山甫歸應疾留侯功復成歌鐘旋可
望枕席豈難行四壯何時入吾君聽履聲

陪王司馬登薛公逍遙臺

常聞薛公淚非直雍門琴竄逐留餘跡悲涼見此心府
中因暇豫江上幸招尋人事已成古風流獨至今閒情

多感歎清景暫登臨無復甘棠在空餘蔓草深晴光送
遠目勝氣入幽襟水去朝滄海春來換碧林賦懷湘浦
弔碑想漢川沈曾是陪遊日徒為梁甫吟

欽定四庫全書

唐詩品彙
卷七十二

唐詩品彙卷七十二